

續修四庫全書

《續修四庫全書》編纂委員會編

# 續修四庫全書

上海古籍出版社

二七四・史部・正史類

三國志注補六十五卷補遺一卷 (清)趙一清撰 陶元珍補遺……………一

三國志辨疑三卷 (清)錢大昭撰……………三九五

三國志考證八卷 (清)潘眉撰……………四二五

三國志旁證三十卷 (清)梁章鉅撰……………五〇五

晉書校勘記五卷 (清)周家祿撰……………八〇一

40/1677  
EE9/04

# 三國志注補

陳三立題



三國志注補卷一

魏書

仁和趙一清

武帝紀第一

太祖武皇帝

史通稱謂篇云降及曹氏祖名多濫必無慙德其惟武王故陳壽國志呼武曰祖至於文明但稱帝而已

沛國譙人也

司馬彪續郡國志沛國譙刺史治劉昭補注云平陽邑一清案曹參封河東平陽其後紹封食邑於沛之譙故曰譙平陽邑也

三國志注補卷一

廣雅書局

注太祖一名吉利小字阿瞞

太平御覽卷九十三引魏志注太祖上有曹瞞傳曰四字今本脫

注王沈魏書曰

隋書經籍志魏書四十八卷晉司空王沈撰

注漢高祖之起曹參以功封平陽侯世襲爵土絕而復紹至今適嗣國於容城

前漢書功臣表曹參傳哀帝時封參玄孫之孫本始為平陽侯王莽時薨子宏嗣建武中先降河北封平陽侯子曠嗣免後漢書和帝紀永元三年詔曰曹相國後容城侯無嗣須景風紹封一清案紹封之侯蓋仍平陽舊號而食邑於譙其後

復續遂改號容城也容城屬涿郡

桓帝世曹騰為中常侍大長秋封費亭侯

水經淮水注渙水又東南逕費亭南漢建和元年封中常侍  
沛國曹騰為侯國續郡國志補注帝王世紀曰曹騰封費亭  
侯鄉縣有費亭是也後漢書梁商傳永和四年中常侍張達  
越政內者令石光向方令傅福穴從僕射杜永連謀其諧商  
及中常侍曹騰孟賁云欲徵諸王子圖議廢立請收商等案  
罪帝曰大將軍父子我所親騰賁我所愛必無是但汝曹其  
妒之耳達等知言不用懼迫遂出矯詔收縛騰賁於省中帝  
聞震怒敕宦者李歆急呼騰賁釋之收達等悉伏誅續五行  
志曰光和元年五月壬午何人白衣欲入德陽門辭我梁伯

三國志注補卷一

續漢書

夏教我上殿為天子中黃門桓賢等呼門吏僕射欲收縛何  
人吏未到須臾還走求索不得不知姓名時蔡邕以成帝時  
男子王褒絳衣入宮上前殿非常室曰天帝令我居此後王  
莽篡位今此與成帝時相似而有異被服不同又未入雲龍  
門而覺稱梁伯夏皆輕於言以往況今將有狂狡之人欲為  
王氏之謀其事不成其後張角稱黃天作亂竟破壞劉昭注  
引風俗通曰光和四年四月南宮中黃門寺有一男子長九  
尺服白衣中黃門解步呵問汝何等人白衣妄入宮掖曰我  
梁伯夏後天使我為天子步欲前收取因忽不見劬曰尙書  
春秋左傳曰伯益佐禹治水封於梁颺叔安有裔子曰董父  
舜賜姓董董之祖與梁同至光熹元年董卓自外入因乘間

費亭帝殺后百官總已號令自由殺戮決前威重於主梁本  
安定而卓隴西人俱涼州也天戒若曰卓不當專制奪矯如  
白衣無宜闢入宮也白衣見黃門寺及卓之末中黃門誅滅  
之際事類如此可謂無平袁山松曰張角一時狡亂不足致  
此大妖斯乃曹氏滅漢之徵也案劭所述與志或有不同年  
月舛異故俱載焉臣昭注曰檢觀前通各有未直尋梁即魏  
地之名伯夏明伯於中夏非傳天之稱以內臣孫子得稱王  
徵驗有應有若符契復云伯夏教我為天子後曹公曰若天  
命在吾吾為周文王此乃魏文帝受我成策而陟帝位也風  
俗通云見中黃門寺曹騰之家尤見其證

注司馬彪續漢書曰

三國志注補卷一

續漢書

隋書經籍志續漢書八十三卷晉秘書監司馬彪撰

注騰父節字元偉素以仁厚稱至由是鄉黨貴歎焉

後漢書宦者傳曹節字漢豐南陽新野人也其先本魏郡人  
靈帝即位封長安鄉侯以誅竇武陳蕃封育陽侯養子傳國  
續五行志稱靈帝熹平四年六月弘農三輔螟蟲為害是時  
中常侍曹節等譏言禁錮海內清英之士謂之黨人與注以  
彪書迥乎不同疑彼是別一曹節此則宋書禮志所謂處士  
者也

注長子伯興次子仲興次子叔興騰字季興少除黃門從官  
後漢書蔡衍傳劾奏河間相曹鼎賊罪千萬鼎者中常侍騰  
之弟也一清案曹節四子騰最少不得更有弟或是其兄

注永寧元年鄧太后詔黃門令選中黃門從官

續百官志云黃門令一人丞從丞各一人本注曰官者從丞主出入從

注太和三年追尊騰曰高皇帝

史通稱謂篇云當塗所出宦官攜養帝號徒加人望不愜故國志所錄無異匹夫應書其人直云皇之祖考而已姜氏宸英曰內臣追尊皇帝惟此

養子嵩嗣官至太尉

後漢書曹騰傳嵩靈帝時貨貽中官及輸西園錢一億薛故位至太尉章懷太子傳注引續漢志曰靈帝時賣官嵩以貨得拜大司農大鴻臚代崔烈為太尉水經陰溝水注曰譙城

三國志注補卷一

四 漢書書局

南有曹嵩家北有碑碑北有廟堂餘基尚在柱礎仍存廟北有二石闕雙峙高一丈六尺橫檻及柱皆雕鏤雲炬上罕思已碎闕北有圭碑題云故中常侍長樂太僕特進費亭侯曹君之碑延熹三年立碑陰又刊詔策二碑文同夾碑東西列對兩石馬高八尺五寸石作粗拙有騰兄家東有碑題云漢故潁川太守曹君墓延熹九年卒而不刊樹碑歲月墳北有其元子熾家東有碑題云漢故長水校尉曹君之碑歷太中大夫司馬長史侍中遷長水年三十九卒熹平六年立造熾弟允家東有碑題云漢書曹君之碑熹平六年立注吳人作曹騰傳及郭頒世語並云嵩夏侯氏之子夏侯惇之叔父太祖於惇為從父兄弟

何氏焯曰夏侯惇之子楸尚清河公主淵子衡亦娶曹氏則謂嵩夏侯氏子者敵國傳聞蓋不足信隋書經籍志魏晉世語十卷晉襄陽令郭頒撰

太祖少機警有權數而任俠放蕩不治行業

後漢書李膺傳子瓚位至東平相曹操微時瓚異其才將沒謂子宣等曰時將亂矣天下英雄無過曹操張孟卓與吾善袁本初汝外親雖爾勿依必歸曹氏諸子從之並免於亂世章懷注謝承書瓚作珪御覽短人部引魏氏春秋曰武王姿貌短小神明英徹劉劭幼童傳曰太祖年十歲浴於譙水蛟來逼自水奮擊蛟乃退畢浴而還弗之言也後有人見大蛇奔退太祖笑之曰吾為蛟所擊而未懼斯畏蛇而恐耶眾聞

三國志注補卷一

五 漢書書局

乃知咸驚異焉世說曰魏武少時嘗與袁紹好為游俠觀人新婚因潛入主人園中夜叫呼云有偷兒賊青廬中人皆出觀魏武乃入抽刃切新婦與紹還出失道墜枳棘中紹不能得動後大叫云偷兒在此紹追迫自擲出遂以俱免又曰袁紹年少時曾遣人夜以劒擲魏武少下不著魏武擲之其後來必高因帖卧床上劒至果高英雄記曰操與劉備密謀泄於袁紹紹知操有圖己之意操自咤其舌流血以失言誠後世

唯梁國橋玄南陽何顒異焉

後漢書何顒傳顒見曹操歎曰漢家將亡安天下者必此人也一清案議操於微時尚有汝南王舊見後注

注張璠漢紀曰

隋書經籍志後漢紀三十卷張璠撰

注博覽羣書特好兵法鈔集諸家兵法名曰接要又注孫武十三篇

隋書經籍志兵書接要十卷梁有兵書接要別本五卷又有兵書要論七卷又兵法接要三卷又兵書略要九卷梁有兵要二卷魏武帝撰孫子兵法二卷魏武帝注因學紀聞杜牧注孫子序云孫武著書數十萬言魏武削其繁剩筆其精切凡十三篇因注解之攷之史記本傳閻廋曰子之十三篇吾盡觀之矣非筆削爲十三篇也何氏云曹氏諱節故作接要年二十舉孝廉爲郎除洛陽北部尉遷頓丘令

三國志注補卷一

六

廣雅書局

宋書百官志光祿勳掌三署郎漢東京三署郎有行應四科者歲舉茂才二人四行二人及三署郎罷省光祿勳猶依舊舉四行衣冠子弟充之三署者五官署左署右署也各置中郎將以司之郡舉孝廉以補三署郎年五十以上屬五官其次分在左右署凡有中郎議郎侍郎郎中四等無員多至萬人續百官志曰凡郎官皆主更直執戟宿衛諸殿門出充車騎唯議郎不在直中又曰凡縣萬戶以上爲令

注曹瞞傳曰太祖初入尉廨繕治四門造五色棒

何云棒改楫依廣韻注

徵拜議郎

後漢書劉陶傳司徒東海陳耽與議郎曹操上言公卿所舉

率黨其私所謂放鴟梟而囚鸞鳳其言忠切

光和末黃巾起拜騎都尉

續百官志騎都尉比二千石本注曰本監羽林騎

討潁川賊遷爲濟南相

續郡國志濟南相故齊文帝分十城東平陵著於陵臺管土鼓梁鄒鄉平東朝陽歷城也續百官志每郡置太守一人二千石王國之相亦如之

久之徵還爲東郡太守不就

後漢書光武十王傳琅瑯順王容初平元年遣弟邈至長安盛稱東郡太守曹操忠誠於帝操以此德於邈一清案操雖不就東郡之命當時猶以此稱之也

三國志注補卷一

七

廣雅書局

注常託疾病輒告歸鄉里築室坡外春夏讀書傳秋冬弋獵以自娛樂

太平寰宇記卷十二引魏略曰太祖於譙東十五里澤中築起精舍讀書射獵閉絕賓客即謂之譙東水經陰溝水注曰譙城東有曹太祖舊宅所在負郭對廬側隍臨水

注司馬彪九州春秋曰於是陳蕃子逸與術士平原楷會於芬坐

後漢書陳蕃傳逸官至魯相襄楷傳字公矩平原陰陰人

徵太祖爲典軍校尉

此西園八校尉之一見後漢書靈帝紀

卓表太祖爲驍騎校尉

續百官志大將軍營五部部校尉一人宋書百官志驍騎材官別有營一情案此時無驍騎將軍曹公蓋以校尉典營兵也其後乃置驍騎將軍

注世語曰太祖過伯奢伯奢出行五子皆在備賓主禮太祖自以背卓命疑其圖已手劒夜殺八人而去孫盛雜記曰太祖鳳其食器聲以爲圖已逐夜殺之既而懷愴曰寧我負人無人負我遂行

御覽卷四百七十八引梁祚魏國統曰初太祖過故人呂伯奢也遂行日暮道逢二人容貌威武太祖避之路二人笑曰觀君之奔有懼之色何也太祖始覺其異乃悉告之隔別大祖解佩刀與之曰以此表吾丹心願二賢慎勿言

三國志注補卷一  
太祖至陳留散家財合義兵將以誅卓

續五行志獻帝初平中長沙有人姓桓氏死棺歛月餘其母聞棺中聲發之遂生占曰至陰爲陽下人爲上其後曹公由庶士起

注英雄記曰魏字文節潁川人爲御史中丞董卓舉爲冀州牧後乃作書與紹道卓之惡聽其舉兵

後漢書袁紹傳注引英雄記曰劉子惠中山人兖州刺史劉岱與其書道卓無道天下所共攻死在且暮不足爲憂但卓死之後當復回師討文節擁兵何凶逆豈可得置封書與觀觀得此大懼歸答子惠欲斬之別駕從事耿武等排閤伏子惠上願并見斬得不死作徒被赭衣掃除宮門外隋書經

籍志漢末英雄記八卷王粲撰梁有十卷東郡太守橋瑁注英雄記曰瑁字元偉玄族子

續五行志中平元年夏東郡陳留濟陽長垣濟陰宛句離狐縣界有草生其莖靡靡大如手指狀似鳩雀龍蛇鳥獸之形五色各如其狀毛羽頭目足翅皆具近草妖也劉昭注引應劭風俗通曰亦作人狀操持兵弩萬象備具非但彷彿類良熟然也又曰關東義兵先起於宋衛之郊東郡太守橋瑁負厭怙亂凌蔑同盟忿嫉同類以殲厥命陳留濟陰迎助謂爲離德棄好即戎吏民殲之草妖之興豈不或信

山陽太守袁遺注遺字伯業紹從兄

後漢書袁紹傳注引英雄記曰遺紹從弟

三國志注補卷一  
同時俱起兵眾各數萬

後漢書崔寔傳寔從兄烈其子鈞少交結英豪有名稱爲西河太守獻帝初鈞與袁紹俱起兵山東董卓以是收烈付郡獄錮之卓既誅拜烈城門校尉及李傕入長安爲亂兵所殺而陳承祚遺之卷末裴注引傳子曰袁紹崔鈞之徒雖爲將帥皆著緣巾卽其人也蓋亦與上諸人同時起兵者是時紹屯河內遺屯酸棗

後漢書地理志陳留郡酸棗

遺還將衛茲分兵隨太祖到滎陽汴水

漢書地理志河南郡滎陽汴水馬池皆在西南續郡國志滎陽鴻溝水注文頴曰於滎陽下引河東南爲鴻溝卽官渡水

也

從弟洪以馬與太祖得夜遁去

王嘉拾遺記曹洪武帝從弟家盈產業駿馬成羣武帝討董卓夜行失馬洪以其所乘馬讓帝其馬號曰白鶴此馬走時唯覺耳中風聲脚似不踐地至汴水洪不能渡帝引洪上馬共濟行數百里瞬息而至馬足毛不溼時人謂乘風而行亦一代神駿也諺曰憑空虛躍曹家白鶴

太祖責讓之因爲謀曰

是時袁術屯南陽而與紹不相能故不與河北之軍合操蓋謀兼用之

塞轅轅太谷

三國志注補卷一

十

廣雅書局案

何云太谷當作大谷

軍丹析入武關以震三輔皆高壁深壁勿與戰

續郡國志南陽郡丹水析故屬弘農顧氏祖禹讀史方輿紀要卷五十二武關在西安府商州東百八十里東去河南內鄉縣百七十里文穎曰在析西百七十里析卽內鄉也左傳哀四年將通於少習以聽命少習卽武關應劭曰武關秦南關也何云此項羽戰河北高祖西入關之勢也卓兵方盛未挫於外故堅壁勿戰待內景作而後乘之

遷到龍亢士卒多叛至鉅建平復收兵得千餘人

續郡國志龍亢鉅建平俱屬沛國

注袁紹與韓馥謀立幽州牧劉虞爲帝太祖拒之

何云以弑君討卓無故又改立君是二卓也

注諸軍北面我自西向

軍一本作君何云虞在幽州故云北面長安爲行在所故曰西向

紹又嘗得一玉印於太祖坐中舉向其肘

後漢書徐璆傳注舉重向肘者乃是袁術逼舊孫堅妻之物魏武曰我不聽汝乃至此其事爲有徵今以弟移作兄陳承祚之疏也

注紹復使人說太祖曰今袁公勢盛兵彊

何云紹此時僅爲一郡守并未得韓馥讓州未應意盛若此

夏四月

三國志注補卷一

十一

廣雅書局案

續五行志六月丙戌地震

秋七月

續天文志初平二年九月蚩尤旗見長十餘丈色白出角亢之南占曰蚩尤旗見則主征伐四方其後丞相曹公征討天下且三十年

袁紹初韓馥取冀州黑山賊子毒白繞眭固等十餘萬眾

寰宇記卷一黑山在封邱縣北三里曹學佺名勝志黑山一名墨山在洪縣西北五十里墨子昔居於此

注眭申隨反

此亦美音釋後同

毒閭之棄武陽還

毒閭之棄武陽還

東武陽漢縣屬東郡魏屬陽平郡至拓跋魏始去東字此云武陽蓋蒙上文而言也

夏四月

續五行志五月丙申無雲而雷又注引袁山松書曰三年十月丁卯日有重兩倍吳書載韓馥與袁術書曰凶出於代郡注官說別駕治中

宋書百官志刺史官屬有別駕從事史一人從刺史行部治中從事史一人主財穀簿書

遂進兵擊黃巾於壽張東信力戰關死

續郡國志東平國壽張春秋曰良漢曰壽良光武改壽張有壽張故屬東郡水經汶水注汶水又西至壽張故城東逕爲

三國志注補卷一

主

澤滑鮑信戰死於此

購求信喪不得眾乃刻木如信形狀

一本無眾字

瓚使劉備屯高唐單經屯平原陶謙屯發干以逼紹

續郡國志高唐平原俱屬平原郡發干屬東郡

太祖與紹會舉皆破之

何云外爲紹用實所以保據兗州也

四年春

續五行志正月甲寅朔日有蝕之在營室四度是時李傕郭汜專政注引潛潭巴曰甲寅蝕雷電擊殺骨肉相攻又引袁宏紀曰未蝕八刻太史令王立奏曰日咎過度無有變也於

是朝臣皆賀帝密令尙書候焉未晡一刻而蝕尙書賈詡奏曰立伺候不明疑誤上下太尉周忠職所典掌請皆治罪詔曰天道遠事驗難明且災異應政而至雖探道知機焉能無失而欲歸咎史官益重朕之不德也弗從於是避正殿寢兵不聽事五日

軍鄆城

東漢兖州刺史本治昌邑魏武移治鄆城續郡國志屬濟陰郡

衛引軍入陳留屯封邱

續郡國志陳留封邱俱屬陳留郡

衛使將劉詳屯匡亭

三國志注補卷一

主

續郡國志陳留郡平丘有匡注曰匡人之亭曹公破袁術處

衛走袁邑追到太壽

太壽不見於兩漢志大約在靈陵襄邑之間詳夏侯惇傳

徐州牧陶謙與其舉兵取泰山華費略任城

漢書地理志泰山郡華續郡國志泰山郡費故屬東海任城國章帝分東平爲任城方輿紀要卷三十三華城在費縣西北六十里後漢并入費

注闕於泰山華費闕殺當取財物因奔淮南太祖歸咎於陶謙故伐之

後漢書應劭傳興平元年前太尉曹嵩及子德從琅邪入泰山劭遣兵迎之未到而徐州牧陶謙素怨嵩子操數擊之乃

使輕騎追嵩德並殺之於郡界劬畏操誅棄郡奔冀州收袁紹世語云送嵩家而傳云迎之爲不同又陶謙傳曹操父嵩避難琅邪時謙別將守陰平士卒利嵩財寶遂襲殺之亦與吳書異又宦者傳嵩少子名疾或別是一人

夏

續五行志興平元年六月丁丑地震乙巳晦日有蝕之後漢書獻帝紀六月丙子分涼州河西四郡爲雍州注謂金城酒泉敦煌張掖

謙將曹豹與劉備屯郊東要太祖太祖擊破之遂攻拔襄賁所遏多所殘戮

漢書地理志鄠襄賁俱屬東海郡水經泗水注曹操攻徐州

三國志注補卷一

漢書地理志

破之救取慮睢陵夏丘等縣以其父避害於此屠其男女十萬泗水爲之不流自是數縣人無行迹亦爲暴矣

布出兵戰先以騎犯青州兵青州兵奔太祖陣亂馳突火出

何云所收黃巾精銳尙未習練猝遇勁騎則偏敗眾攜先犯之者由宮邈素知虛實也姜云不言燒東門不知何緣突火後民無推冰同此書法是有意爲簡練

注袁暉獻帝春秋曰

隋書經籍志獻帝春秋十卷袁暉撰

蝗蟲起百姓大饑

續五行志興平元年夏大蝗是時天下大亂

秋九月

續五行志秋長安旱是時李催郭汜專權縱肆布到乘氏

漢書地理志濟陰郡乘氏應劭曰春秋敗宋師於乘氏是也冬十月

續五行志十月長安市門無故自壞

太祖至東阿

漢書地理志東郡東阿

二年春襲定陶濟陰太守吳資保南城

續郡國志濟陰郡首定陶益郡池也南城卽定陶之南城

布將辟蘭李封屯鉅野太祖攻之布救蘭蘭敗布走遂斬蘭等布復從東緡與陳宮將萬餘人來戰

三國志注補卷一

漢書地理志

漢書地理志鉅野東緡俱屬山陽郡

秋八月圍雍丘

漢書地理志陳留郡雍丘故杞國也

是歲長安亂天子東遷

續天文志初平四年十月孛星出兩角間東北行入天市中而滅占曰彗除天市天帝將徙帝將易都是時尙在長安後二年東遷明年七月至雒陽其八月曹公迎上都許獻帝紀注引袁宏紀曰字於天市將從天子移都其後上東遷之應也

敗於曹陽渡河幸安邑

續郡國志弘農郡弘農縣有曹陽亭注引晉灼曰縣東十三

里曹公改日好陽河東郡首安邑蓋郡治也

太祖軍臨武平

續郡國志陳國武平

衛將軍董承與袁術將凌奴拒險洪不得進

後漢書董卓傳言董承患韓暹亂政潛召操此云承拒曹洪

一文不同然召曹公本謀出楊奉董昭傳可審也

斬辟郡等

何云辟字衍汝南降賊劉辟叛應袁紹見後建安五年

天子拜太祖建德將軍夏六月遷鎮東將軍

建德蓋雜號將軍也後不復置宋書百官志鎮東將軍後漢

末魏武帝居之續百官志注獻帝以操爲南中郎將

三國志注補卷一

六 廣雅書局采

封費亭侯

董昭傳云襲父爵費亭侯蓋嵩父騰封費亭侯傳爵及嗣太

祖乃復祖封宜在沛國續郡國志注引帝王世紀謂曹騰封

鄧縣費亭是也而湖陸縣注引晉書地道記云縣西有費亭

城魏武帝初所封是又在山陽矣

注獻帝春秋曰天于初至洛陽幸城西故中常侍趙忠宅

後漢書宦者傳趙忠安平人桓帝時爲小黃門以與誅梁冀

功封都鄉侯靈帝時遷中常侍封列侯後領大長秋

奉別屯梁

漢書地理志河南郡梁縣臣瓚曰此梁是周之小邑見於春

秋全民祖望曰蓋卽指楚人侵梁及霍之梁在戰國爲南梁

地近汝水之旁方輿紀要卷五十一梁縣城在河南汝州西

南四十五里

天子假太祖節鉞錄尚書事

宋書百官志前漢遣使始有持節假節假節惟軍事得殺犯

軍令者假黃鉞則專戮節將非人臣常器矣又云尚書古官

尋命龍作納言卽其在也周官司會鄭玄云若今尚書矣秦

世少府遺吏四人在殿中主發書故謂之尚書尚猶主也漢

初隸少府武帝世使左右曹諸吏分平尚書事昭帝卽位霍

光領尚書事成帝初王鳳錄尚書事東京每帝卽位至太傅

錄尚書事薨輒省錄尚書職無不總王肅注尚書納於大麓

曰堯納舜於尊顯之官大錄萬機之事也一清案此曹公辦

三國志注補卷一

七 廣雅書局采

爲新制任兼內外總攬百揆故既假節鉞又錄尚書事也

注獻帝紀曰

隋書經籍志靈獻二帝紀三卷漢侍中劉艾撰殘缺梁有六

卷

注又領司隸校尉

後漢書獻帝紀建安元年八月辛亥鎮東將軍曹操白領司

隸校尉錄尚書事漢書百官公卿表司隸校尉武帝初置屬

大司空秩二千石續百官志司隸校尉一人比二千石持節

掌察舉百官以下及京師近郡犯法者元帝去節成帝省建

武中復置并領一州

洛陽殘破董昭等勸太祖都許

漢書地理志潁川郡許一清案續郡國志注獻帝徙都改許昌非也許昌以魏黃初二年改

九月車駕出轅轅而東

續郡國志河南縣氏有轅轅關注璣曰險道名在縣東南後漢書董卓傳注引獻帝春秋曰車駕出洛陽自轅轅而東楊奉韓暹引軍追之輕騎既至操設伏兵要於陽城山狹中大敗之

以太祖爲大將軍封武平侯

續百官志將軍不常置掌征伐背叛比公者四第一大將軍次驍騎將軍次車騎將軍次衛將軍注引蔡質漢儀曰漢興置大將軍驍騎位次丞相車騎衛將軍皆金紫位次上卿典

三國志注補卷一

大廣雅書局

京師兵衛四夷屯警宋書百官志漢東京大將軍自爲官位在三司上魏明帝青龍三年晉宣帝自大將軍爲太尉然則大將軍在三司下矣水經陰溝水注過水又東逕武平縣故城北魏武皇封於此終以武平華夏矣

自天子西遷朝廷日亂至是宗廟社稷制度始立

後漢書董卓傳注引獻帝起居注曰舊時宮殿悉壞倉卒之際拾摭故瓦材木工匠無法度之制所作並無足觀也

注侍中太史令王立曰

王立即初平四年奏日蝕無變爲買詔所劾者宜其獻諛若此宋書符瑞志有太史令王皇登即其人與史通亦作王立注將自軹關東出

方輿紀要卷四十九關當軹道之險因曰軹關在濟源縣西北十五里

冬十月公征奉

姜云前此無專官故稱太祖至此始改稱公何云自爲大將軍後始稱公蓋天子三公稱公也

天子拜公司空行車騎將軍

後漢書獻帝紀曹操自爲司空行車騎將軍事百官總己以聽

是歲用棗祗韓浩等議始興屯田

續百官志注曹公置典農中郎將秩二千石典農都尉秩六百石或四百石典農校尉秩比二千石所主如中郎部分別

三國志注補卷一

九廣雅書局

而少爲校尉丞晉書傳玄傳魏初課田不務多其頃畝但務脩其功力故白田收至十餘斛水田收至數十斛

注互解流離無敵自破者

一本敵下有而字

注袁紹之在河北軍人仰食桑棗

續五行志獻帝興平元年九月桑復生棗可食臣昭曰桑重生棗是木異必在濟民安知非瑞乎時蒼生死敗周秦殲盡餓殍餒鬼不可勝言此重糧大拯危命雖連理附枝亦不能及若以爲怪則建武野穀旅生麻菽尤盛復是草妖耶

二年春正月

續五行志獻帝建安二年五月蝗

公到宛

續郡國志南陽郡首宛蓋郡治也

長子昂弟子安民遇害

昂字子修即豐愍王有傳太祖之弟無聞東平靈王徵傳云奉叔父朗陵哀侯後樊安公均傳云奉叔父蒯恭公彬後不知二人誰是安民之父

公乃引兵還舞陰

舞陰屬南陽郡字或从水作無

續奔穢

穢亦南陽之縣

注世語曰舊制三公領兵入見皆交戟叉頭而前初公將討穢

三國志注補卷一

三

續郡國志

入觀天子時始復此制公自此不復朝見

後漢書伏皇后紀自帝許守位而已宿衛兵侍莫非曹氏黨舊姻戚議郎趙彥嘗為帝陳言時策曹操惡而殺之其餘內外多見誅戮操後以事入見殿中帝不任其憤因曰君若能相輔則厚幸不爾幸垂恩相捨操失色俛仰求出舊儀三公領兵朝見令虎賁執刀挾之操出顧左右汗流浹背自後不敢復朝請

秋九月

續五行志建安二年九月漢水流害民人是時天下大亂

南陽章陵諸縣復叛為續

續郡國志章陵故春陵世祖更名

不利還屯葉數為續表所侵冬十一月公自南征至宛表將鄧濟據湖陽

葉湖陽皆南陽屬縣

三年

拾遺記建安三年晉徒國獻沈明石雞色如丹大如燕常在地中應時而鳴聲能遠徹其國聞鳴乃殺牲以祀之當鳴處掘地則得此雞若天下太平翔飛頭項以為嘉瑞亦謂寶雞其國無雞犬聽地中候咎刻道家云昔仙人桐君採石入穴數里得丹石雞春碎為藥服之者令人有聲氣後天而死晉漢武帝寶鼎元年四方貢珍怪有琥珀燕置之靜室自於室中鳴翔蓋此類也洛書云皇圖之寶土德之徵大魏之嘉瑞

三國志注補卷一

三

續郡國志

初置軍師祭酒

宋書百官志祭酒晉官也漢吳王濞為劉氏祭酒夫祭祀以酒為本長者主之故以祭酒為稱漢之侍中魏之散騎常侍高功者並為祭酒公府祭酒蓋因其名也一清案祭酒之稱周末有之史記荀卿三為祭酒是也軍師祭酒本漢官見後漢書鄧禹傳禹以建安元年拜司空故於三年置軍師祭酒然考之諸臣傳中無全稱軍師祭酒者荀攸為軍師在建安三年以前無論矣後此郭嘉為司空軍祭酒無師字勸進族董紹歸街為軍師祭酒而昭傳云拜司空軍祭酒則知嘉亦軍師祭酒也又賸以荀攸為中軍師鍾繇為前軍師涼茂為左軍師毛玠為右軍師征孫權表華歆為軍師而非祭酒

也至王粲陳琳阮瑀路粹號軍謀祭酒皆記室之任也而杜襲則以軍謀祭酒參太樂事其任益輕劉楨荀緯爲軍謀掾並軍謀之屬官也想因軍師名位太尊故降而稱軍謀耶至爲丞相亦設丞相軍祭酒無軍師之號外此楊俊爲征南軍師趙儼爲征東軍師杜襲爲大將軍軍師則亦比於公府之職矣六朝時有軍諮祭酒蓋卽軍謀之易名耳

三月公圍張繡於穰

水經湍水注湍水又逕穰縣故城北又東南逕魏武故城之西南是建安三年曹公收張繡之所築也

到安眾

水經湍水注湍水逕安眾縣城而爲陂謂之安眾港魏太祖

三國志注補卷一

三

漢書地理志

破張繡於是處與荀彧書曰繡遇吾歸師逼我死地蓋於二水之間以爲治涉之艱阻也續郡國志南陽郡安眾

冬十月屠彭城

續郡國志徐州彭城國注曰高祖置爲楚章帝改

進至下邳

續郡國志徐州下邳國注曰武帝置爲臨淮郡永平十五年

更爲下邳國本屬東海郡

遠決泗沂水以灌城

續郡國志下邳注引戴延之西征記曰有沂水自城西南注泗別下邳城南亦注泗舊有橋處張良與黃石公會此橋月餘布將宋憲魏續等執陳宮舉城降生禽布宮皆殺之

後漢書獻帝紀斬布在十二月癸酉布傳亦云壻圖之三月是也

分琅邪東海北海爲城陽利城昌慮郡

方輿紀要卷三十五莒州廢莒縣漢爲城陽國治後漢國廢又卷二十二潁南縣西六十里有利城故城又卷三十二滕縣東南六十里有昌慮城曹操置郡尋廢利城昌慮而城陽如故

注且夫起布衣在塵垢之間爲庸人之所陵陷

陷一作陷

注高祖放雍齒之讐而羣臣以安

臣一作情

三國志注補卷一

三

漢書地理志

公還至昌邑

續郡國志山陽郡首昌邑刺史治蓋太守與刺史並治也

屯射犬

續郡國志河內野王有射犬聚方輿紀要卷四十九射犬城

在故武德縣北今河內縣境也

河內太守繆尚留守

繆當作穆音雷

還軍敖倉

續郡國志河南滎陽有敖倉注曰周宣王狩於敖左傳宣十二年晉師在敖倉之閒秦立爲敖倉以魏种爲河內太守屬以河北事

何云釋畢謀魏種而用之皆假以懷四方之士於時宿儒世胃大抵多在河北漢南也評所謂矯情任算不念舊惡益指此類

公曰唯其才也

唯水經清水注作難

秋八月公進軍黎陽使臧霸等入青州

續郡國志魏郡黎陽何云入青州者所以擾紹之左以分其兵

破齊北海東安

續郡國志琅邪國東安故屬城陽

遣劉岱王忠擊之

三國志注補卷一

廣雅釋詁

何云兩劉岱俱字公山此別是一人非正禮之兄

注忠不欲去因率眾伍逆擊之

伍一作什

注令俳取冢開髑髏繫著忠馬鞍

一本無著字

注孫盛魏氏春秋云

隋書經籍志魏氏春秋二十卷孫盛撰

二月紹遣郭圖淳于瓊顏良攻東郡太守劉延於白馬紹引兵至黎陽將渡河

方輿紀要卷十六大名府滑縣漢白馬縣地建安五年袁紹遣顏良攻東郡太守劉延於白馬基是時縣為東郡治一清

案滑河開渡河處主河北而言則曰黎陽主河南而言則曰白馬東郡本治濮陽太祖為東郡太守徙治東武陽至是又移治白馬也後漢書臧洪傳臧洪為東郡太守都東武陽紹進保陽武

續郡國志河南陽武

八月

續五行志建安五年九月庚午朔日有食之注引潛潭巴曰庚午饑後火燒官兵一清案其處在烏巢

紹連營稍前依沙地為屯

方輿紀要卷四十七開封府陽武縣秦博浪沙地袁紹依沙地為屯或云即博浪沙

三國志注補卷一

廣雅釋詁

注習鑿齒漢晉春秋曰

隋書經籍志漢晉陽秋四十七卷晉陽太守習鑿齒撰時公兵不滿萬

何云上固云分營與相當矣則此但指自將之親兵也然亦必有一二萬人云不滿萬則非其實

注諸書皆云公抗紹眾八萬

抗乃坑之語

或以為紹悉眾散官渡

水經渠水注渠水又左逕陽武縣故城南東為官渡水又逕曹太祖壘北有高臺謂之官渡臺渡在中牟故世又謂之中牟臺北土山猶在山之東悉紹舊營遺基并存

冬十月

續天文志建安五年十月辛亥有星孛於大梁冀州分也時袁紹在冀州其年十一月紹軍爲曹公所破七年夏紹死後曹公遂取冀州

注今袁氏輜重有苗餘乘在故市烏巢屯

水經濟水注濟瀆又東逕酸棗縣之烏巢澤澤北有故市亭

一清案故市漢縣屬河南郡後漢縣廢在今鄭州北

注銜枚縛馬日夜從間道出

日一本作口是也

注公意欲不殺許攸曰明日鑒於鏡此益不忘人

何云靈帝時瓊爲佐軍校尉與魏武皆西園八校尉之一故

三國志注補卷一

美 續修四庫全書

欲活之一清案鑒鏡不忘謂已割其鼻也

注遣故任長畢瑜詣虔爲說命錄之數

漢書地理志廣平任續郡國志鉅鹿郡任

注又紹與臣書云可都冀城

甄當作鄭

六年夏四月揚兵河上擊紹倉亭軍

水經渚水注河水於范縣東北流爲倉亭津

九月

續五行志建安六年十月癸未朔日有蝕之

公還許

何云紹地廣厭盛謀士尙多其兵雖敗未可取也故歸許以

養威侯蒙且以其開勦玄德復起之勢得以全力徐收河北莫能牽制耳

汝南賊冀都等應之

冀都見先主傳

七年

續五行志七年越嶲有男化爲女子時周羣上言哀帝時亦有此異將有易代之事至二十五年獻帝封於山陽又曰建中女子生男兩頭共身

遂至沒儀治睢陽渠遣使以太牢祀橋玄

續郡國志陳留郡沒儀故大梁劉昭引通俗文渠在沒儀曰

黃蕩也方輿紀要卷四十七及卷五十五云蓋因睢水而作渠

三國志注補卷一

毛 續修四庫全書

睢水於沒儀首受黃蕩水東過睢陽故曰睢陽渠水經睢水

注睢陽城北五十六里便得漢太尉橋玄墓冢東有廟卽曹氏

孟德親酌處

紹自軍破後發病歐血夏五月死

後漢書獻帝紀紹死在五月庚戌

八年

續五行志建安七八年中長沙醴陵縣有大山常大鳴如牛

响聲積數年後豫章賊攻沒醴陵縣殺署吏民注干寶曰論

語槌輔象曰山土崩川閉塞漂淪移山鼓哭閉衡夷庶桀合

兵王作於時戰爭四分五裂之地荊州爲劇故山鳴之異在

其域也